

[Faint, illegible text, likely bleed-through from the reverse side of the page.]

TRIVMPHVS ET RESVRRECTIO

GLORIOSA A MORTV-

is tertia Die, Filij DEI

D. N. I. C.

à

Bohuslao Bavvor á Kosmaczovva Tu
steno exornatus carmine.




Excudebat Iohannes Schuman.

*Triumphus
Christi*

VERA NOBILITATE ET VIRTUTVM EN-
comijs celebratissimo, Domino Benjamin Kuttro-
cio ab Auraz & in Hlubozerpio, Serenissimæ Ro-
manorum Imperatricis in Regno Boëmiae Aulæ
iudici, & ad tabulas eiusdem regni minores
Notario, bonarum artium Mæcenati,
Patronoq; suo colendissimo.

DVM sacros libo latices Aganippidos undæ,
Dum meditor varios ore manūq; modos
Dum mihi Calliope Phæbeia plectra ministrat,
Dum Christi tenui canto trophæa lyrâ.
Kuttroveci eximium specimen virtutis avitæ
Atq; idem Bœmi, gloria rara, soli.
Ecce liquescenti tibi condita tibia cerâ
Plectrâq; Pierijs, mittimus apta, choris.
Si non lethæas cecidit de pectore ripas,
Si genitor vestro noster in ore sedet:
Quem tibi jam dudum Tufta conjunxit in urbe
Qui tuus in celebres est studiosus amor:
Suscipe Castaliæ sylvestria carmina Musæ,
Nec mea suffusus pollue verba modis.
Iamq; tibi molli spiramine rideat æstas,
Blandâq; purpurei tempora veris eant. V.



Bohuslaus Bavvor á Kosma-
czovva Tuftenus.

1997 KU 69
Ake. 16/27

ANNUA lux redijt toto venerabilis ævo,
Quâ Deus edomitâ morte revixit homo.
Annua lux redijt, quâ vera parentis imago
De Stygiâ duxit clara trophæa domo.
Postquam tres gelida lucēs latuisset in urna,
Membrâq; frondoso cespite clausa forent,
Altâq; vecta fuit roseo Latonia curru,
Fulsit & exortâ candida luce dies.
Post varios rerum casus, lethiq; labores,
Rupit vernantis clausa theatra soli.
Excitus è somno sese vitalibus auris
Attulit, hinc Stygium visit aditq; canem.
Tartara debellat nigro fumantia tabo,
Sulphuræ vastans regna profunda plagæ.
Sub tristi vincit Cacodæmona rupe jacentem,
Martia dum forti stringeret arma manu.
Plenâq; colla dolis claudit compage Chelydri,
Dum iacit in cætus, sæva venena, pios.
Atq; potestates Orci, Mundiq; superbas
Calce premit, mortis, jurâq; morte domat.
Mors prostrata jacet, salicisq; simillima ligno,
Ore quod absumens vermis avara terit.
Fulus humi Phlegeton toto distenditur antro,
Tartareos amplo, ruminat ore favos.
Mandit humum moriens, seseq; in pulvere versat,
Ac sibi perpetuó vincla futura vider.
Aspiciens Christus cæsam post terga Chymæram
Ridet, & an tendes retia semper? ait.

Hac

Hac ego te vinctam nodis sub arundine linquo,
Sumito digna tuæ præmia militiæ.
Labitur interea sedes crudelis Erynnis,
Datq; stygīs tristes fracta columna, sonos.
Tuta lacu nigro, vastóq; immanis hiatu,
Ipsa cavis grauitè mugijt Æthna locis.
Ac lacrymas uda subdit sub nocte tepentes,
Torpent a milso, nigráq; Tartara, hero.
Obscuras visæq; canes ululare per umbras,
Pérq; domos Ditis plurimus horror erat.
Multáq; præterea variarum monstra ferarum,
Cocyti stygios deseruere lacus.
Sicq; velut leni crepitabat bractea vento,
Adventus Christi terruit Enceladum.
Iámq; triumphati post diruta Tartara Ditis,
Splendida magnanimus victor ad astra redit.
Inter captivos nigri regnator Avernì
Terribiles ponit per loca iussa pedes.
Ante triumphantem molitur ad æthera gressus
A Phlegetontēis libera turba vadis.
Turba levi calamos cara conjungit agrestes
Incipit & doctâ plectra movere manu.
Ipsáq; Puniceo victorem Musa cothurno
Cantat, & eversas Prophyryionis opes.
Obuiat effusus portis exercitus ales,
Ætherej Dominum suscipit aura sinus.
Pendula lex fertur transverso robore trunci,
Armáq; victi hostis Martia in axe micant.

Victorem

Victorem lethiq; Orbisq; Erebiq; salutant
Quos fovet æthereæ, machina celsa, plagæ.
Arduus ad nit idam figens vestigia sedem,
Clara patris proprios jungit ad ora latus.
Hic lapsas hominum sortes in pristina reddit,
Qui prius ad vitam languine fecit iter.
Clausæ patent miseris spaciola Palatia Coeli,
Micior est summi, gentibus ira Dei.
Cuncta triumphanti gaudent elementa Monarchæ,
Victori assiliunt marmora salsa maris.
Auricomans tepidos Phœbus superingerit ortus,
Cana procul scythicos frigora pellit agros.
Luxuriat Zephyris mollis spirantibus aër,
Terráq; odoriteras induit alma comas.
Arboribus frondes, rident & gramina campis,
Testáq; frondoso cespite gaudet humus.
Assurgit Lothos, succúsq; liquentis Amomi,
Candida luteolis Lilia cumq; rosis.
Trita Miliphylla, & Cerinthe, ignobile gramen,
Cum Platano Cisthus floribus arva beant.
Herba Machæonios Panacæa virescit ad usus,
Ac Myrtho laxat dia Cythæra fores.
Irrigat arentes Naisq; & Hamadryas herbas,
Densáq; congestas sustinet arbor aves.
Cum Corydone Mycon viridi proiectus in antro,
Agrestem lenit lacte tepente Palem.
Rustica gens plauistro gratis operatur in arvis,
Debita cum pingui semina mandat humo.

Exercetq;

Exercetq; frequens tellurem, atq; imperat agris,
 Nec vocat in caſas te Ceres alma preces.
 Deniq; blandiloquis teſtatur gaudia linguis;
 Ales, dum docili conſtruit ore domos.
 Ipſaq; diſtentis Philomela abſcondita ramis,
 Arguto varios perſonat ore modos.
 Neſcia curarum, lingua, modulq; ſonoro
 Subleuat herboſi, cana ſaliſta, ſoli.
 Fida repercuſſo reſpondet carmine ſylva,
 Atq; refert ſparſum gutture dulce melos.
 At nos qui Dominum numeris profitemur apertis,
 Quem timet immenſi regia clara Poli,
 Carmina victori demus genialia Chriſto,
 Excipiat placidæ, mollia verba, lyræ.
 Huic omnis teſtis agrisq; effuſa juvenus
 Ad cœli jaciāt carmina blanda fores.
 Cantitet & duſtos non uno ex hoſte triumphos,
 Ac Leſtrigonij limina lapſa Ducis.
 Calliopæa preces non dedignata Poëtæ
 Inſpira numeris dulce pœma meis.
 Vita redit miſeris, redijt ſpirabilis aura,
 Iam datur æterna luce videre Deum.
 Succubuit Phlegeton, vitæ ceſſere pericla,
 Perfidie pœnas triſtis Averne luis.
 Iam juga, iam latè reſpirant vndiq; campi:
 Hoſtis & ad noſtros proijcit arma pedes.
 Laeta, conuexo iam panditur orbita tractu,
 Panduntur gemini gemma teſta Poli.

Chriſte

Chriſte triumphator victa de morte reſurgis,
 Tertia dum cœlum trivit in axe dies.
 Nos tibi ſic quondam junctos de morte reduces,
 Ad cœli rutilos, Chriſte benigne ſinus,
 Et niſi te efferret gelidis ſacer halitus umbris,
 Nos Acherontæ, pœna maneret, aquæ.
 Non ſtygiæ flammæ, non mors deleta fuiſſet,
 Firma foret ſtygij janua lapſa Ducis.
 Sed ſumus exempti pœna, lex pãſa lituram eſt,
 Turba ſumus Summo conciliata Patri.
 Salve feſta dies, Chriſti ſalvete triumpho,
 Salve dia pijs reddita morte ſalus.
 Salve Chriſte Deus, ſpolijs Acherontis onuſte,
 Salve Cocyti victor & Eumenidum.
 Da meritis hæſere tuis, tuus ille triumphus
 Sit meus, hîc quoniam te iuvat eſſe meum.
 Da tecum vincam, tecum de morte reſurgam,
 Tritaq; per preſſi colla Draconis eam.
 Imperium dele Getici crudèle Tyranni,
 Perdèq; in humanos Chriſte Boryſthenidas,
 Dum trepidum æratis inſternunt claſſibus æquor,
 Pannoniæ gentis dum populantur opes.
 Pax vigeat terris, pia relligióq; nitelcat,
 Hinc furor, hic Martis pugna faceſſe procul.



DE CHRISTI DO-
MINI GLORIOSO Á DEVICTA
MORTE TRIUMPHO HONORI

CLARISSIMIS PRVDENTIA
VIRTUTE DOCTRINAQVE
Prestantissimis Viris, Domino Vencesilao
Kamarit de Rovin Seniori, ad Apellationes
REGNI BOHEMIÆ Consiliario Cæsario,
D. DANIELI SSVVIKO ALVKONOS
suppremi Burgrauij á Cõsilijs D. Vencesilao
Cyrillo Seniori á Grimfeldo Senatori novæ
Vrbis Pragensis, ceterisq; dominis litera-
tis, Pareciæ Divo Henrico sacræ, D.
atq; fautoribus studiorum reue-
renter colendis.

Iohannes Sequenides Czernovicemus faciebat.



Excudebat Iohannes Sehuman: Anno Domini: M. D. XCII.

